

全唐文

卷三百六十九之三百七十一

元載 蕭華 包佶 于肅 呂諲 彭構雲

王昂 李栖筠 張宣明 蘇師道 李揆 李震

王縉 劉宴 于益 李軫 裴諝

竹居叟廬

竹居叢書

卷之十 包藏元
氣 經緯 仙傳 義
志 志 益 經 專 正
定 數 運 明 指 弄
德 志 子 利 正
精 妙 益 宮 端

全唐文
卷之百九十九 百九十五

欽定全唐文卷三百六十九目錄

元載

城原州議

建中都議

攷定襄王郭英乂神道碑


冀國公贈太尉裴冕碑

故相國杜鴻漸神道碑

朔方河東河西隴右節度使御史大夫贈兵部尚

書太子太師清源公王府君神道碑銘

并序



王昂

對沈謀祕畧科策第一道

第二道

第三道

欽定全唐文卷三百六十九

元載

載字公輔鳳翔岐山人天寶初舉明莊老列文四子學高第補新平尉肅宗朝累遷戶部侍郎同中書門下平章事代宗立進中書侍郎封許昌縣子大歷十二年以貪猥收賜自盡興元元年詔復爵諡曰荒後改諡成

城原州議

四鎮北庭旣治涇州無險要可守隴山高峻南連秦嶺北抵大河今國家西境盡潘原而吐蕃戍摧沙堡原州居其

中間當隴山之口其西皆監牧故地草肥水美平涼在其東獨耕一縣可給軍食故壘尚存吐蕃棄而不居每歲夏吐蕃畜牧青海去塞甚遠若乘間築之二旬可畢移京西軍戍原州移郭子儀戍涇州爲之根本分兵守石門木峽漸開隴右進達安西據吐蕃腹心則朝廷可高枕無憂矣

建中都議

自古建大功者未嘗不用天因地故高祖保關中光武據河內深根固本以制天下臣等考天地之心本聖人之意驗古往之事切當今之務則莫若建河中爲都隸陝號晉

絳汾潞儀隰慈石等十城爲藩衛長安去中都三百里順
流而東邑居相望有羊腸底柱之險濁河孟門之限以輶
輶爲襟帶與關中爲表裏劉敬所謂扼天下之吭而撫其
背即此之謂推是而言則建中都將欲固長安非欲外之
也將欲安成周非欲捨之也將欲外蠻夷非欲懼之也
將欲定天下非欲弱之也河中之地左右王都黃河北來
太華南倚總水陸之形勢壯關河之氣色每歲白露旣降
涼風已高陛下據金城湯池內綏華夏登信臣驍將外馭
戎狄出於仲秋還於農隙有漕運泛舟之便無登高履塗

金定全唐文 卷三十一
之虞不傷財不害人得養威而時狩如此則國有保安之所家無係虜之憂矣

故定襄王郭英乂神道碑

維永泰元年十有二月甲子開府儀同三司尚書右僕射兼御史大夫劔南節度支度營田觀察使成都尹定襄王薨於靈池兵故也夫懿文德者非謂禮君臣正上下其謂經綸大難乎鑠武功者非謂鞠師旅威戎夷其謂翼贊中興乎公名英乂字元武贈伊州刺史盱公之烈祖也隴右節度攝御史中丞贈太子太傅知運公之皇考也產雲赤

亭樹勲青海世傳良將載在國史公河岳之粹將相之器
學劒輕短後曼纓讀書重金版玉匱天寶二載方筮仕轅
門累授左武衛大將軍節度涼國公見之曰代我節制者
必此子也其後十年累代涼公爲節度矣祿山之亂中原
也二聖僞遊三秦賊據汧岐重鎮非公不可制授公秦州
都督兼御史中丞隴右採訪使未幾賊將高嵩長驅幽燕
深入汧隴公外申郊勞內設庭宴饗未屬厭兵已合圍賊
黨數千應時翦滅繇是虜鏑不鳴於隴外皇輿始都於雍
上至德二年詔公爲鳳翔太守轉西平太守加隴右節度

兼御史大夫吐蕃之逼西河也諸寇以堅甲乘城我以偏
師遇敵勝在於戰利當用奇選驍騎以襲虛張疑兵以應
銳前衝未及於隴島後勁已覆於梟巢邊捷晝至虜圍夜
潰進封西河郡公思明之陷成周也南入陳蔡詔公兼御
史大夫統淮南節鉞東捍陝虢詔公兼陝州刺史主關外
旌麾寶應之歲上乘龍躍之運寵虎臣之績進戶部尚書
加開府儀同三司仍總戎職朝義之走河北也公雷震勇
略風搏勁騎驅熊虎之師開龍蛇之陣一戰而穀水破再
戰而邛山拔十年邁寇萬里如掃朝廷壯之詔領東京留

守又兼河南尹俄拜尚書右僕射封定襄王加實封三百
戶永泰元年兼集賢待制夏五月天子以劍門巨鎮推擇
攸難厯選朝廷惟公是授即日加成都尹東西兩川節度
兼御史大夫僕射如故是時也入承日月之光出擁風雲
之氣以孫吳爲老生以韓彭爲兒戲千里爲之震動百蠻
爲之惴畏秋七月西蕃犯境公戎馬驟捷軍人擅還裨將
懼誅乘間謀叛公擐甲擊鼓單車入深引西山之數騎望
東川之外援短兵未接追寇橫及雖刃以通中而氣猶激
射疆吏乘遽聞乎京師上投袂而驚仍加悼惜有以見聖

主之深仁重武臣之壯節不問輿尸之過爰旌折首之功
以大厯三年正月二十七日詔葬於武公之先塋夫人鄭
國夫人龐氏禮歸敬仲誠及伯宗生則六珈受寵歿則九
原同祔嗣子將作少監嘉珍憤積嘗膽哀纏泣血飾櫬蜀
門歸魂秦隴力樹初連之冢思崇峴上之碣以載職在史
臣業專文律琢石旌美俾奮大猷其辭曰

否邁天地運鍾雲雷煜煜定襄與時而來躬赴兵難志清
國災推轂隴西士卒雲屯擁旄陝東羣寇雷奔五開幕府
七鑿凶門以寡擊衆以亡易存六踐柏臺南憲是張再登

八座右揆有光同盟錫土異姓封王勲崇業大位重名揚
召對蓬萊作鎮梁益秋霜發令春雨流澤望在股肱變生
肘腋南圍既合短兵未進單騎驟奔羣兇競振血殷朱輪
首碎白刃魂歸萬里悲慟三軍疏松蔽日孤冢參雲身歿
冤氣名高戰勲

冀國公贈太尉裴冕碑

王者纂大業以拯時難君子合天符以成聖功在殷之傅
說周之申甫漢之博陸其類也臨大事首大謀君子正位
邦國是憲其道也琬圭火龍元社朱戶其祿也古之人遇

其時行其道濟其業受其祿嗚呼裴公斯近之矣公諱冕
字章甫河東大族著於系譜曾祖澧州刺史諱懷感祖滑
州司馬諱陟考長安丞贈司空諱紀自司空而上世累清
德公全樸以受其形器混冥以養其精和隤然大不爲累
方駕前古其禮容誠敬可陳於蠻貊施於鬼神宜乎吉凶
變幽而偶聖君精義致用而審天道天寶十四載皇上避
狄於華陽肅宗僞遊於幽朔公以御史中丞奉詔翼贊元
良釋位濟河會於靈武與侯伯卿士官師亞旅考大德除
殘之運唱靈祇億兆之心負金璽玉旒爲人請命於西土

維天意羣謀是告而蒼生災害是懷於時冊禮旣畢公乃
自左庶子拜中書侍郎平章事從時望也帝曰予欲教熊
羆食楔猢公於是乎請蒐於岐陽朝於艷宮以干鉞陳師
以蠻夷誅暴公定大業運開中興帝曰予欲端百揆詔典
司乃命公爲尚書左僕射於是乎綱理庶工四方來同左
右始終十有三祀初自縣聯屬署監察御史嘗有姦蠹吏
公按之時寵權臣之戚也黨其犯而請於公公竟正刑書
不爲勢屈時論以公有不可奪之節故肅然由是厯侍御
史尚書郎者五其中以直遇坎牧蠻溪者二以時當任兼

憲臺鎮梁益各一以勲封冀真食五百戶以秩開府儀同
三司大厯四年冬十一月今上念伊尹之一德思孔光之
再起詔復入相旬有二日兼河南江淮副元帥東都留守
是月辛酉薨於長安年六十七翼日冊贈太尉明年二月
葬於京城南畢原詔京兆尹護喪事贈布八百段凶儀葬
具俾出有司昔在天寶之季公嘗爲御史大夫王鉞讒毀
無何鉞弟鐸坐大逆有詔庭辨而兇首詞引及鉞公自下
列抗其矯誣朝廷謂之不黨其後程元振僭用威柄有道
從虎賁公停車致詰面折及雷在黜無愠德仁遂行君子

謂公誠盡於忠者在於禮外其身故臨難不惑一其守故
當事則明磅礴乎死生之間逍遙乎晦明之境公嘗北使
殊俗班命氊裘單于君長稽顙屈膝覩王商而知懼從魏
絳而來服以言尚其直以動尚其順以成事尚其濟物以
進退尚其得中孝弟愛敬格於天地惇信明義通於鬼神
帝王得之以奉天時百官得之以修典憲佐命者二后歷
事者三朝皤皤華皓爲國元老執璧奉珪在君之堂生食
邑土歿垂惠愛豈祿以爲尊者其孤正授辭家老請志於
石以代三鼎林鍾之義銘曰